



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

§. II. An valeat consuetudo praebens locum digniorem inferiori.

urn:nbn:de:hbz:466:1-11401

§. II.

An valeat consuetudo præbens locum digniorem inferiori.

R Esp. negatiuè, alias peruerteretur ordo ecclesiastica hierarchiæ, si inferior præcederet superiori; & idè huiusmodi consuetudo potius corruptela censenda est *cap. cum inferior de maior. & obed. Ricc. in Prax. for. eccles. par. 1. ref. 563. & ref. 568.*

12 Ex quo inferitur 1. quod Vicarius Episcopi in omnibus functionibus ecclesiasticis semper præcedere debet Gubernatori, & alijs laicis ministris, & ante eos thurificari non obstante quavis consuetudine in contrarium, *vt probat Ricc. in Prax. d. par. 1. ref. 563.*

14 Inferitur 2. Canonico prouiso de Canonicatu presbyterali in ecclesia, vbi præbendæ sunt distinctæ, deberi locum inter alios presbyteros supra omnes Diaconos, & subdiaconos, licet prius in ecclesia receptos, non obstante consuetudine in contrarium, *vt resoluit Sac. Cong. Rituum teste eodem Ricc. in Prax. par. 1. ref. 564.*

15 Inferitur 3. quod Vicarius Episcopi tam absente, quam præsentè Episcopo præcedere debet Dignitatibus, & Canonicis in Ecclesia, & choro, & extra in processionibus, ac in alijs omnibus actibus publicis, & priuatis, etiã in Synodo Diocesana: quia Vicarius habet iurisdictionem ordinariam in tota Diocesi, & est

Supra Capitulum, & singulos de Capitulo ratione iurisdictionis, & per consequens tamquam superior præcedere debet, *vt Sac. Rituum Congregatio declarauit sub die 28. Nouembrii 1595. vt refert Ricc. in Prax. par. 4. ref. 390.*

16 Inferitur 4. quod prima Dignitas Ecclesiæ Cathedralis, seu Propositus Ecclesiæ Collegiata ita præfertur alijs Canonicis, vt non teneatur petere licentiam à Canonico Punctatore, quando vult discedere à choro: Superior enim non tenetur obtemperare inferioribus: *vt pluribus probat Ricc. in Prax. vt supra par. 1. ref. 568.*

17 Inferitur 5. Capitulum, & Canonicos Ecclesiæ Cathedralis præcedere Canonicis Collegiata etiam in omnibus actibus, & functionibus celebrandis in propria Collegiata: quia Capitulum representat personam Episcopi, cuius dicuntur fratres, *vt pluries censuit Sac. Congregatio teste Barbos. de Canon. & Dignit. cap. 18. nu. 48. & 18 seq.*

Vnde etiam in funeralibus capitulum, & clerus ecclesiæ Cathedralis præcedere debet Parocho ipsius defuncti, vel ecclesiæ, ad quam corpus defuncti deferretur, *vt declarauit Sac. Rituum Congregatio in vna Viterbiensi. 25. Iunij 1611. & etiam in alijs, vt refert Barbos. dicto capit. 18. numero. 60. & seq. & de off. & pot. Paroch. cap. 9. num. 7. Laur. v. r. elacubr. to. 1. tit. 2. cap. 3. nam 210. & tunc Capitulum Cathedralis tantum deferret crucem per alias Parochias, & non alia Parochiæ Genuens. in Prax. Archiep.*

- cap. 61. num. 21. & ita declaraff. Sac. Congregationem. refert Barb. de offic. & pot. Paroch. cap. 26. n. 78. quicquid in contrarium dicat Gratian. difcept. 298.
- 19 Immo etiam Canonici ecclesie Collegiate in hoc casu parochi precedunt, quemadmodum in ceteris alijs functionibus: quia ecclesia Collegiata est dignior quacunq; alia inferiori ecclesia etiam Parochiali, cap. Statutum & ibi glos. de elect. in 6. Seraphin. decis. 22. & decis. 1445. num. 1. Borrell. in sum. decis. tom. 1. tit. 2. nu. 45. Buratt. decis. 455. num. 1. & pluries resoluit Sac. Congregatio teste Barbos. de Canon. & dignit. d. capit. 18. num. 67. & 68. Laxor. loco cit. d. c. 3. num. 212. & seq. Vnde & Canonici Collegiate thurificari debent duplici ductu thuribuli, clerici vero parochialium vnico tantum ductu, vt censuit eadem Sac. Rituum Congregatio apud Barbos. d. capit. 18. num. 66.
- 21 Et hoc procedit, etiam si Parochus stolam deferat: quia stola non dat iurisdictionem, & prerogatiuam, sed tantum est signum sacerdotale Laxor. d. tit. 2. cap. 3. n. 217. Barbos. d. cap. 18. num. 59. quauis in propria ecclesia Parochus precedere debeat omnibus quantumuis in dignitate constitutis tam in celebrandis missis, quam in alijs quibuscunq; preheminentijs concernentibus ipsius Parochi officium, vt d. Gonz. ad reg. 8. Cancell. glos. 6. num. 104. & 105.
- 23 Obserua tamen, quod Rector ecclesie maioris, quando ad modum capituli incedit cum toto clerico in processionibus, vel alijs functionibus publicis, preferendus est Capitulo, seu Collegio ecclesie parochialis nouiter in Collegiatam erecte: quia quando Summus Pontifex, seu Episcopus erigit Parochialem in Collegiatam, non intendit preiudicare iuribus ecclesie maioris illius loci, ita Ricc. in Prax. for. eccles. par. 1. resolutione 631.
- 24 Obserua 2. quod precedentia inter plures parochos datur secundum prerogatiuam ecclesiarum, siue sint Parochi seculares, siue Regulares, vt censuit Sac. Congr. Rituum teste Barbos. de offic. & pot. Paroch. cap. 9. num. 12.
- 25 Obserua 3. quod si ex Parochia, cui secularis Sacerdos preest, mortuus effertur, vt sepeliatur in parochiali ecclesia, in qua Regularis curam animarum exercet, vel e contra, tunc tales Parochi superpelliceo, & stola induti patres progredi debent: reliqui vero Regulares eum locum tenere debent, quem in generalibus processionibus habere consueuerunt Barbos. d. cap. 9. num. 13. vbi dicit, ita seruari in Vrbe: & tunc deferenda est vnica tantum crux illius ecclesie, ad quam corpus transfertur, vt censuit Sac. Congregatio Rituum teste eodem Barbos. de offic. & pot. Paroch. cap. 26. n. 78. quemadmodum precedentia datur etiam Parochi eiusdem ecclesie, ad quam defertur defunctus, vt d. Laxor. loco cit. tit. 2. d. cap. 3. nu. 219. si vero interueniat Capitulum Cathedralis, Curatus Cathedralis quamuis amouibilis precedere debet pro-

proprio Parocho defuncti, ut declarauit eadem Sac. Rituum congregatio apud Barbof. ubi supra d. cap. 26. num. 78.

S. III.

Cui debeat precedentia, si duo eadem die fuerint ordinati.

27 **R**esp. quod in tali casu attenduntur merita, & alię qualitates ipsorum: & ideò Sacerdos Doctor, precedet Sacerdoti non Doctori *Nauar. conf. 5. num. 4. de maior. & obed. item antiquior ætate precedet iuniori Bart. in l. r. ff. de obseq. prest. Ricc. in Prax. for. eccles. par. 3. ref. 271. ubi idem dicit de duobus eodem tempore creatis ducibus. Secus si fuerint diuerso tempore ordinati: tunc enim Sacerdos prius ordinatus, licet non sit Doctor precedet Sacerdoti Doctori postea promoti: tñ quia in habentibus dignitatem eiusdẽ ordinis ille præfertur, qui prior ad eam assumptus est l. 1. ff. de Alb. scrib. tum quia prioritas promotionis est maior qualitas, quam Doctoratus c. Episcopus, ubi gloss. dist. 17. Nau. d. conf. 5. num. 9. Ricc. ubi supra par. 3. ref. 276. Vulp. in Prax. iudic. cap. 34. numer. 21. & seq.*

29 **Q**ueres, in quo loco sedere debet qui duo officia substat, puta si Consiliarius sit, & aduocatus? Resp. quod sedere debet in loco Consiliarij, seu maioris officij, etiã si interueniat uti Aduocatus: quia dignitas consiliariatus est in-

separabilis à persona, ut decisum refert Ricc. in Prax. ut supra p. 3. resol. 273. qui ibidem ref. 274. in fin. resoluit, Episcopum creatum consiliarium sedere debere immediatè post præsidem, siue Decanum.

S V M M A R I V M.

- 1 *Consuetudo optandi præbendas siue domos canonicales à iure canonico approbatur.*
- 2 *Optio non competit ratione ordinis, sed ratione Canonice.*
- 3 *Canonicus, qui non est in sacris an possit optare.*
- 4 *Hęc consuetudo spatio 10. annorum inducitur.*
- 5 *Optans, dum acquirit nouum titulum, admitti debet per superiorem.*
- 6 *Optio expediri debet intra terminum 20. dierum.*
- 7 *An huiusmodi tempus 20. dierum possit minui per capitulum.*
- 8 *An consuetudo, seu statutum inducens maius tempus, quam 20. dierum ad optandum, præiudicet impetrantibus apostolicis.*
- 9 *Quando locum non habeat consuetudo optandi.*
- 10 *An domus Canonicales, & alia membra similia distincta, seu separata à Canoniatu cadat sub reservatione.*
- 11 *Si habens beneficium reservatũ optet aliud, dimissum spectat ad prouisionem Papæ, & optatum non erit reservatum: declaratur num. 12.*
- 13 *Quando Canonicus optans possit redire ad suam primã præbendam.*